



Vama će vladati namjesnici koji će činiti dobro i zlo. Onaj ko bude činio dobro, spasit će se kazne kao i onaj ko bude osuđivao zlo, ali problem je u onome ko bude zadovoljan zlom i u tome bude vladare slijedio

Od Ummu Seleme, majke pravovjernih, radijallahu anha, prenosi se da je Allahov Poslanik, sallallahu 'alejhi ve sellem, kazao: "Vama će vladati namjesnici koji će činiti dobro i zlo. Onaj ko bude činio dobro, spasit će se kazne kao i onaj ko bude osuđivao zlo, ali problem je u onome ko bude zadovoljan zlom i u tome bude vladare slijedio." Ashabi upitaše: "Hoćemo li se boriti protiv njih?" "Ne, dokle god budu klanjali", odgovori Poslanik.

[صحيح] [رواه مسلم]

Allahov Poslanik, salallahu alejhi ve sellem, nas obavještava da će nam biti nadređeni neki vladari koje ćemo podržavati u određenim djelima koja će biti u skladu sa šerijatom, te se nećemo slagati sa njima u drugim radi njihovog suprotstavljanja Kur'anu i Sunnetu. Onaj ko bude prezirao loša djela srcem i ne bude u mogućnosti da ih zanegira, biće oslobođen grijeha. Onaj ko bude u prilici da ih zanegira verbalno ili drugačije te tako i uradi, biće lišen grijeha i neće sudjelovati u njima. Međutim, onaj ko se bude slagao sa njima i slijedio ih u tome, nastradat će poput njih. Ashabi su potom upitali Allahovog Poslanika, salallahu alejhi ve sellem: "Zar se nećemo boriti protiv ovakvih vladara?!" Poslanik im je to zabranio dokle god takvi vladari budu obavljali namaz.

<https://www.sunnah.global/hadeeth/bs/show/3481>

